

Þingskjal 1
Fjárhagsnefnd

Áskorun um Ferðasjóð ríkisins
Flutningsaðili: Framkvæmdastjórn ÍBR.

44. þing ÍBR, haldið 26.-28. febrúar 2009, hvetur ríkisvaldið til að standa við fyrri áform um að veita fjármunum í Ferðasjóð ríkisins og að sjóðurinn vaxi eins og áætlað var.

Greinargerð:

Ferðasjóður ríkisins er mikilvægur fyrir íþróttahreyfinguna í landinu enda dýrt að ferðast landshorna á milli til keppni. Útgjöld vegna þessa rekstrarþáttar í starfsemi íþróttafélaga verða sífellt meiri. Það skiptir miklu máli fyrir íþróttahreyfinguna í landinu að fá styrki til ferðalaga enda þurfa félög að sækja keppni um hinar dreifðu byggðir landsins.

Þingskjal 2
Fjárhagsnefnd

Áskorun um þjóðarleikvanga
Flutningsaðili: Framkvæmdastjórn ÍBR.

44. þing ÍBR, haldið 26.-28. febrúar 2009, hvetur ríkisvaldið til að taka þátt í uppbyggingu þjóðarleikvanga um land allt.

Greinargerð:

Ríkið hefur aðeins tekið þátt í uppbyggingu eins þjóðarleikvangs í Reykjavík, Laugardalsvallar. Engu að síður er að finna í Reykjavík flesta þá leikvanga sem litið er á sem þjóðarleikvanga í viðkomandi íþróttagreinum.

Þingskjal 3
Fjárhagsnefnd

Áskorun um skattívilnanir fyrir íþróttþjálfara
Flutningsaðili: Framkvæmdastjórn ÍBR.

44. þing ÍBR, haldið 26.-28. febrúar 2009, hvetur ríkisvaldið til að skoða gaumgæfilega hvort að ekki megi veita íþróttþjálfurum sem þjálfra börn og unglunga einhverskonar skattaafslætti.

Greinargerð:

Í nágrannalöndum okkar tíðkast það að veita þeim skattaafslætti sem þjálfra börn og unglunga. Ljóst er að langflestir þeirra sem eru að þjálfa þessa hópa gera það í aukavinnu sem allajafna er ekki vel launuð. Það gæti verið mjög hvetjandi fyrir þjálfara að þurfa ekki að greiða fullan skatt af þessari „hugsjónavinnu“.

Ráðstöfun sjóða ÍBR
Flutningsaðili: Millipinganefnd

44. þing ÍBR, haldið í Reykjavík dagana 26.-28. febrúar 2009 samþykkir að sjóðum í vörslu bandalagsins skuli varið til að styrkja stoðir íþróttastarfs í Reykjavík með eftirfarandi hætti:

Meginhluti af innstæðu sjóðanna Slysatryggingarsjóðs og Húsnæðis- og framkvæmdasjóðs, þ.e. $\frac{3}{4}$ hlutar eða 75% af innstæðunni skal skipt milli íþróttafélaganna í Reykjavík á grundvelli reglugerðar fyrir grunnstyrki ÍBR og skal afgreiðslu málsins vera lokið og viðkomandi fjármunir greiddir út til félaganna fyrir 1. september 2009 miðað við stöðu sjóðanna 1. júlí 2009.

Afganginn af innstæðu sjóðanna þ.e. $\frac{1}{4}$ hluti þeirra eða 25% af innstæðunni skal setja í nýjan sjóð í eigu og vörslu ÍBR. Meginmarkmið þess sjóðs skal vera að styrkja íþróttastarf og íþróttafólk í Reykjavík. Stjórn ÍBR skal setja sjóðnum nánari starfsreglur.

Slysatryggingasjóður ÍBR og Húsnæðis- og framkvæmdasjóður ÍBR skulu lagðir niður.

F.h. millipinganefndar ÍBR
Gísli Georgsson, formaður
Björn Guðbjörnsson
Guðrún Stella Gunnarsdóttir
Ólafur Gylfason

Skýring:

Á 42. þingi ÍBR, 2004, var samþykkt tillaga, sem sagði að sjóðum í vörslu bandalagsins skuli sem best varið til að styrkja stoðir íþróttastarfs í Reykjavík og skyldi framkvæmdastjórn ÍBR skipa nefnd, sem legði fram tillögur í málinu fyrir næsta þing bandalagsins.

Millipinganefnd skipuðum fulltrúum Ármanns, Golfklúbbs Reykjavíkur, ÍR, KR og Vals, var sett á laggirnar. Nefndin starfaði á árinu 2005 og hélt nokkra fundi, en lauk ekki því verkefni, sem henni hafði verið falið, skv. samþykkt ÍBR-þingsins. Fyrir þingið 2006, var þó lagt til að fresta málinu með eftirfarandi tillögu:

43. þing ÍBR, haldið 23-25 mars 2006 samþykkir að sjóðir í vörslu ÍBR verði látnir standa óhreyfðir næstu 2 árin en vextir af þeim notaðir til að styrkja ungt og efnilegt reykvískt íþróttafólk. Þingið samþykkir enn fremur að millipinganefnd haldi áfram störfum og ljúki gerð tillagna um framtíð sjóða í vörslu ÍBR fyrir næsta bandalagsþing.

Þessi tillaga var samþykkt og umboð nefndarinnar þannig framlengt. Nefndin hefur síðan komið saman alloft eða um 10 sinnum og fundað m.a. með fjármálastjóra ÍBR og skoðað stöðu sjóðanna og þær leiðir sem færar eru í afgreiðslu málsins í samræmi við fyrirliggjandi samþykktir. Niðurstaða nefndarinnar er ofangreind tillaga,

sem nefndin leggur hér með fram. Að þessari tillögu stendur meirihluti nefndarinnar eða 4 fulltrúar af 5, en fulltrúi Golfklúbbs Reykjavíkur ekki.

Það er mat meirihluta nefndarinnar að þessum fjármunum sé best fyrirkomid í höndum félaganna sjálfra í Reykjavík. Meginhluta innstæðanna eða 75% verði skipt á grundvelli reglugerðar um grunnstyrk og fjármunirnir greiddir út til íþróttafélaganna í Reykjavík, en afgangurinn verði settur í sjóð í eigu og vörslu ÍBR. Langstærstur hluti fjármunanna hefur orðið til hjá íþróttafélagunum í Reykjavík og þá einkum þeim eldri og mest vegna kappleikja og mótahalds og því fari best á því að stærstum hluta sjóðanna verði skilað þangað aftur. Þær úthlutunarreglur sem til eru hjá bandalaginu og eru notaðar um fjármuni, sem útdeilt er til íþróttafélaganna í höfuðborginni, þ.e. Lottóstyrki eru reglur fyrir grunnstyrki ÍBR og er það mat nefndarinnar, að þær beri að nota hér einnig.

Hluti fjárisins, þ.e. 25% fari hins vegar í nýjan sjóð ÍBR til eflingar íþróttastarfi í Reykjavík í samræmi við ákvörðun stjórnar ÍBR og mætti þar nota, sem fyrirmynd Afreks- og styrktarsjóð SPRON og ÍBR, sem undanfarin ár hefur notið góðs af ávöxtun fjármuna úr þessum sjóðum.

Þeir sjóðir, sem hér um ræðir og lagt er til að skipt verði upp og síðan lagðir niður skv. tillögunni, eru annars vegar Slysaftryggingasjóður ÍBR, sem ÍBR fékk afhentan frá ÍSÍ við stofnun bandalagsins árið 1944, en saga sjóðsins nær allt aftur til 1922. Sjóðurinn hefur einkum haft tekjur af aðgangseyri af íþróttakappleikjum í Reykjavík, en 5% af aðgangseyrinum rann um áratugaskeið í sjóðinn eða fram undir síðustu aldamót. Sjóðurinn hefur nú lokið hlutverki sínu, þar sem ríkið hefur yfirtekið hlutverk sjóðsins með slysaftryggingu íþróttafólks á öllum aldri.

Hins vegar er um að ræða Húsnæðis- og framkvæmdasjóð ÍBR, sem á rætur að rekja til húsbýggingasjóðs, sem stofnaður var árið 1954 á vegum bandalagsins. Hann hefur komið við sögu húsbýgginga og framkvæmda hjá bandalaginu síðan, m.a. í tengslum við sölu Hálogalands, framkvæmdir á Reykjanesi í Grímsnesi og í Laugardal. Sjóðurinn hefur m.a. haft tekjur af sölu getraunasölu og af veitingasölu á Laugardalsvelli, en einnig af sölu fasteigna, m.a. annars sölu Reykjaness.

Að síðustu vill millipinganefndin þakka stjórn og starfsmönnum ÍBR samstarfið og líflegar rökræður um þetta mál, en kannski ekki síst fyrir að hafa varðveitt vel og ávaxtað þá fjármuni, sem hér eru til umfjöllunar og má þar sérstaklega taka fram að ekki varð ryrnun á sjóðunum við hrun íslenska bankakerfisins á síðasta ári.

Ráðstöfun sjóða ÍBR
Flutningsaðili: Garðar Eyland

44. þing ÍBR, haldið 26.-28. febrúar 2009, samþykkir eftirfarandi tillögu um sjóði í vörslu ÍBR:

Slysatryggingasjóður ÍBR verði lagður niður og honum skipt milli aðildarfélaganna miðað aldur þeirra og stærð.

Húsnæðissjóður ÍBR verði látinn standa óhreyfður nema að hluti vaxta af honum verði notaður til að styrkja unglinga-og afreksfólk í Reykjavík og til verkefna sem nýtast íþróttahreyfingunni í Reykjavík í heild sinni.

Húsnæðissjóðurinn þjóni að öðru leyti sem varasjóður til rekstrar ÍBR og skal stefnt að því að í honum séu allajafna fjármunir sem duga til rekstrar ÍBR í hálf t.ár.

Greinargerð:

Á undanförunum árum hefur nokkur umræða verið um sjóði sem ÍBR hefur í vörslu sinni. Saga sjóða ÍBR er löng, Slysatryggingasjóður stofnaður 1944 og Húsnæðissjóður 1952. Á síðustu þingum ÍBR hefur verið umræða um framtíð þessara sjóða.

Eðlilegt er að skipta Slysatryggingasjóði upp á milli félaganna miðað við aldur þeirra og stærð. Er þá hugmyndin að miða við hvenær félag var stofnað og hversu margar deildir eru innan þess.

ÍBR hefur stutt reyksvískt afreksíþróttafólk með ýmsum hætti s.s. styrkjum til þeirra sem eiga möguleika á að komast á Ólympiuleika og einnig hefur ÍBR tekið þátt í sameiginlegum sjóði til að styrkja unga og efnilega afreksmenn með SPRON og er vilji til að halda því áfram. Þá eru uppi hugmyndir um enn frekari eflingu þeirrar umgjárðar sem lýtur að afreksfólkinu eins og Rannsóknarmiðstöð fyrir íþróttir og Team Reykjavík.

Úthlutunarreglur sjóðsins verði endurskoðaðar þannig að fleirum gefist kostur á styrkveitingum úr honum.

Þingskjal 5
Fjárhagsnefnd

Ályktun um stuðning Reykjavíkurborgar við íþróttastarf
Flutningsaðili: Framkvæmdastjórn ÍBR.

44. þing ÍBR, haldið 26.-28. febrúar 2009, hvetur Reykjavíkurborg til að standa áfram vörð um íþróttastarf fyrir börn og unglinga í borginni og tryggja þannig að reykvísk ungmenni fái áfram notið þess öflugra íþróttá- og forvarnarstarfs sem íþróttahreyfingin býður upp á.

Greinargerð:

Íþróttahreyfingin í Reykjavík treystir því að Reykjavíkurborg láti ekki frekari niðurskurð sem borgin kann að þurfa að gera á fjárhagsáætlun sinni koma eins lítið við fjárveitingar til íþróttá- og æskulýðsstarfs eins og frekast er kostur. Án fjárframlaga frá Reykjavíkurborg munu íþróttafélögin ekki hafa nokkra möguleika til að sinna því mikilvæga uppeldis- og forvarnarstarfi sem hún hefur sinnt.

Það er ákaflega mikilvægt að efnahagsástandið hafi sem minnst áhrif á daglegt líf barna og þannig sé fjölskyldunum gert auðveldara að takast á við þann vanda sem blasir við.

Þingskjal 6
Fjárhagsnefnd

**Ályktun til Reykjavíkurborgar um framkvæmdir
við íþróttamannvirki í Reykjavík**
Flutningsaðili: Framkvæmdastjórn ÍBR.

44. þing ÍBR, haldið 26.-28. febrúar 2009, hvetur borgaryfirvöld að vinna að því að þær framkvæmdir sem þegar eru hafnar verði kláraðar og að aukið fjármagn verði sett í viðhald þeirra mannvirkja sem til staðar eru.

Greinargerð:

Í yfirlýsingum forráðamanna Reykjavíkurborgar hefur komið fram að í ljósi ástands í atvinnumálum, geti komið til greina að borgin leggði áherslu á að á þessu ári yrði lögð meiri áhersla á viðhald og endurbætur mannvirkja frekar en nýframkvæmdir.

Pingskjal 7
Fjárhagsnefnd

Fjárhagsáætlun
Flutningsaðili: Framkvæmdastjórn ÍBR.

Íþróttabandalag Reykjavíkur

	Fjárhagsáætlun							
	Áætlun	Reikn.	Áætlun	Reikn.	Áætlun	Reikn.	Áætlun	Áætlun
	2006	2006	2007	2007	2008	2008	2009	2010
Tekjur: (í þús.kr.)								
Framlag Borgarsjóðs	861000	813977	1024000	851035	910000	1043960	1050000	1100000
Útbreiðslustyrkur ÍSÍ	4000	4128	4000	4573	4000	4673	4200	4200
Lottótekjur	34000	32939	34000	38593	36000	38074	35000	35000
Skattar félaganna	1500	1967	1500	2078	2000	2219	2400	2500
Útleiga skólasala	22500	23871	22500	27164	26000	29585	27000	27000
Íslenskar getraunir	6500	5840	6500	5882	5500	7406	6000	6000
Þjónustugjöld	2500	2400	2500	2550	3000	2700	3000	3000
Framlag v/íþróttaskóla	22000	21342	22000	22311	22000	22981	23000	24000
Vaxtatekjur	2500	5910	2500	7957	7500	6759	3500	3500
Aðrar tekjur	3000	3590	3000	2367	2000	2906	2500	2500
Rekstrartap		20		440		1281		
Tekjur alls:	959500	915984	1122500	964950	1018000	1162544	1156600	1207700
Gjöld: (í þús.kr.)								
Styrkir og framlög	885000	844319	1047000	887383	932000	1072830	1071000	1121000
Laun og launat.gjöld	24500	25651	25200	27130	31100	35076	37000	39000
Skrifstofukostnaður	1500	754	1600	2988	2000	2999	3000	3000
Fundur og ráðstefnur	1800	1458	800	823	850	951	1200	900
Aksturskostnaður	2000	1897	2000	2238	2200	2816	2500	2500
Gjafir og risna					2000	1000	1000	1000
Útbreiðslustarf	3000	2852	3000	2538	3000	1116	2000	2000
Íþróttaskóli félaga	22000	20781	22000	21965	22000	22614	23000	24000
Afrekssjóður ÍBR/ÍTR	5000	5354	5000	6543	9000	8922		
Afrekssj. ÍBR/Spron	2000		2000					
Verkefnastyrkir	5500	6273	5500	6272	7000	10048	10000	10000
Framlag í slysasjóð	1500	1500	1500	1500	1500	1000	1000	1000
Vextir og fjmsk.	500	829	500	1070	1000	981	400	400
Afskriftir	2000	1989	2500	2090	2200	2191	2200	2200
Niðurfærsla viðskiptakrafna		2327		410				
Alþjóðaleikar	1000		1000	2000				
Ýmis kostnaður	1000		1000		1000			
Reksturshagnaður	1200		1900		1150		2900	3200
Gjöld alls:	959500	915984	1122500	964950	1018000	1162544	1157200	1210200

Húsnæðis og framkvæmdasjóður ÍBR

	Fjárhagsáætlun							
	Áætlun 2006	Reikn. 2006	Áætlun 2007	Reikn. 2007	Áætlun 2008	Reikn. 2008	Áætlun 2009	Áætlun 2010
Tekjur: (í þús.kr.)								
Leigutekjur	4100	4343	4300	5039	5300	5604	5600	5800
Vextir og verðbætur	3900	5601	4000	5375	5300	12080	4500	4700
Rekstrartap				1789				
Tekjur alls:	8000	9944	8300	12203	10600	17684	10100	10500
Gjöld: (í þús.kr.)								
Viðhald fasteignar	2500	2361	2500	5316	2500	1816	4000	4000
Fasteignagjöld	400	353	420	374	440	103	500	500
Garðvinna og ræsting	1000	1091	1000	977	1000	990	1000	1000
Rafmagn og hiti	500	391	520	418	520	452	500	520
Tryggingar	650	704	650	680	700	635	700	700
Skrifstofukostnaður	600	600	600	600	800	900	900	900
Verkefnastyrkir								
Styrktarsj. ÍBR/SPRON	1960	2812	2210	3301	3500	3362	2000	2000
Fjármagnstekjusk.	390	559	400	537	530	1208	450	470
Rekstrarhagnaður		1073			610	8218	50	410
Gjöld alls:	8000	9944	8300	12203	10600	17684	10100	10500

Þingskjal 8
Allsherjarnefnd

Ályktun um betri samgöngur fyrir börn að íþróttaaðstöðu

Flutningsaðili: Framkvæmdastjórn ÍBR.

44. þing ÍBR, haldið 26.-28. febrúar 2009, hvetur Reykjavíkurborg til að tryggja betur góðar samgöngur fyrir börn að íþróttaaðstöðu, gangandi, hjólandi eða með fólksflutningabílum.

Greinargerð:

Kannanir sýna að þátttaka barna í íþróttum fer mjög eftir hversu langt þau búa frá æfingaaðstöðunni. Einnig er ljóst að miklar umferðargötur sem skera sundur hverfi íþróttafélaga hafa áhrif á þátttökuna. Almenningsamgöngur eru almennt ekki sniðnar að þörfum barna sem þurfa að komast frá skóla að íþróttaaðstöðu um miðjan daginn og reyndar hefur nú verið dregið verulega úr akstri strætisvagna á þeim tíma dags. Þau félög sem hafa reynt að bjóða upp á rútuferðir frá skólum að íþróttaaðstöðu hafa orðið vör við talsverða aukningu í þátttöku.

Þingskjal 9

Allsherjarnefnd

Ályktun um betra aðgengi fyrir alla í Laugardalnum
Flutningsaðili: Framkvæmdastjórn ÍBR.

44. þing ÍBR, haldið 26.-28. febrúar 2009, hvetur Reykjavíkurborg til að ljúka frágangi, húsnæðis, gangbrauta og annarar aðstöðu milli mannvirkja í Laugardalnum, þannig að allt svæðið verði auðvelt yfirferðar og að öryggi vegfarenda sé tryggt.

Greinargerð:

Laugardalurinn er frábært íþróttasvæði á heimsmaelikvarða. Mikil breyting hefur orðið á stöðu mála m.t.t. til aðgengis með nýjum íþróttamannvirkjum í Laugardal og vonast er til þess að öll mannvirki verði aðgengileg þar í næstu framtíð. Mikilvægt er að útvistar­svæði, göngustígar og gangstéttar milli mannvirkja sé aðgengilegt öllum þannig að ekki þurfi aðstoð við að komast á milli staða.

Pingskjal 10a
Allsherjarnefnd

Samþykkt um Rannsóknarmiðstöð **Flutningsaðili: Framkvæmdastjórn ÍBR.**

44. þing ÍBR, haldið 26.-28. febrúar 2009, samþykkir að ÍBR haldi áfram vinnu við Rannsóknarmiðstöð fyrir íþróttir í Laugardal og hvetur Reykjavíkurborg til að styðja myndarlega við þetta verkefni.

Greinargerð:

Stjórn ÍBR hefur í samstarfi við ÍSÍ og fleiri unnið að undirbúningi þess að koma á fót s.k. Rannsóknarmiðstöð fyrir íþróttir. Með hugtakinu rannsóknarmiðstöð er átt við aðstöðu fyrir íþróttafólk, sérstaklega þó afreksfólk í íþróttum, þar sem hægt er að fá mikla þjónustu á sviði rannsókna, mælinga og ráðgjafar á sviði íþróttifræðinnar en einnig fyrirbyggjandi aðgerðir og endurhæfingu vegna íþróttameiðsla, unna af fagmenntuðu fólki, helst þeim sem fremstir eru á þessu sviði í landinu.

Svona miðstöðvar eða álíka fyrirbæri er að finna í öllum þeim löndum sem við berum okkur gjarnan saman við og hafa jafnvel verið lengi. Hjá þeim þjóðum sem hafa komið slíkum stöðvum á fót finna menn fyrir miklum jákvæðum áhrifum á árangur íþróttamannanna sem og á hið akademíska umhverfi sem í mörgum tilfellum nýtur góðs af.

Aðstaða af þessu tagi, sameinuð á einum stað er ekki til á Íslandi en einhver þeirra tækja sem þyrftu að vera til í svona stöð eru til. Að hafa á einum stað öll helstu mælingatæki fyrir íþróttafólk myndi gjörbreyta hinni faglegu umgjörð þjálfunar í afreksíþróttum á Íslandi auk þess sem slík miðstöð gæti hæglega þjónað vaxandi hópi fólks sem stundar íþróttir sér til heilsubótar og vill fá traustar upplýsingar um árangur sinnar þjálfunar. Slík miðstöð myndi ennfremur skapa fjölmörg tækifæri fyrir hið akademíska umhverfi að gera ítarlegri rannsóknir af ýmsu tagi en nú er hægt. Þá er ekki ólíklegt að stöð sem þessi myndi laða að toppíþróttafólk víðsvegar að úr heiminum þar sem hér væru þá allar forsendur til að hafa virkara eftirlit með þjálfun þeirra og framgangi.

Við undirbúning þessa verkefnis hefur verið unnið náið með ÍSÍ. Þá hefur verið haft samráð við sérfræðinga á sviði íþróttifræði, lífeðlisfræði, sjúkrþjálfunar og læknisfræði. Rætt hefur verið við háskólastofnanir um samstarf og fundað með opinberum aðilum um fjárhagslegan stuðning. Þá hefur verið fundað með fulltrúum sersambanda og er hugmyndin að stofnað verði félag á vegum íþróttahreyfingarinnar sem standi að þessu verkefni. Gert er ráð fyrir að ÍBR setji fé í stofnkostnað við þetta verkefni.

Pingskjal 10b
Allsherjarnefnd

Samþykkt um Rannsóknarmiðstöð **Flutningsaðili: Íþróttafélag Reykjavíkur**

Tillaga til þings ÍBR haldið í Reykjavík 26. – 28. Febrúar 2009.
Íþróttafélag Reykjavíkur leggur til að ÍBR hafi frumkvæði að stofnun
íþróttamiðstöðvar í hagnýtum rannsóknum á íþróttum í
Reykjavík. Íþróttamiðstöðin yrði staðsett í Laugardal.

Greinagerð:

Sameiginlegir hagsmunir íþróttafélaganna í Reykjavík erum miklir hvað varðar faglegt starf við þjálfun og keppni. Íþróttafélögin í Reykjavík hafa lagt metnað í gerð afreksstefnu og eru í mörgum tilvikum að vinna vel á því sviði. Það hlýtur að vera styrkur fyrir félögin ef hægt væri að leita til miðstöðvar þar sem fram færu rannsóknir og mælingar sem öll félögin gætu nýtt sér. Miðstöð af þessu tagi er í raun grundvöllur áframhaldandi uppbyggingar í afreksíþróttum en nýtist einnig öðrum iðkendum, börnum, öldruðum og öllum almennum iðkendum íþróttar.

Fyrir liggur skýrsla um rannsóknarmiðstöð fyrir íþróttir, unnin að frumkvæði ÍBR og kynnt í október 2007. Þar kemur fram vilji um samstarf Háskóla Íslands og Háskólans í Reykjavík. Þar er verið að vinna gott starf sem íþróttafélögin gætu nýtt sér enn betur en gert er í dag. Á sama hátt ætti HÍ og HR að geta unnið enn frekar að rannsóknum í íþróttum með auknu samstarfi við íþróttahreyfinguna.

Skýrsla sú sem hér er vísað til gekk út frá frumkvæði ÍSÍ við myndun þessarar miðstöðvar. Sambærilegar miðstöðvar, t.d. í Danmörku og Noregi eru starfræktar á landsgrundvelli með þátttöku sérsambandanna. Aðstaðan til þessara hluta er best í Reykjavík. Ef frumkvæði kemur ekki frá ÍSÍ er ekki spurning að ÍBR ætti að skoða möguleika á að hrinda í framkvæmd sem vinnur að sömu markmiðum, annað hvort að hluta eða öllu leyti.

Þingskjal 11
Allsherjarnefnd

Samþykkt um stuðning við afreksíþróttafólk **Flutningsaðili: Framkvæmdastjórn ÍBR.**

44. þing ÍBR, haldið 26.-28. febrúar 2009, samþykkir að ÍBR haldi áfram vinnu við að skapa umgjörð utan um hóp fremsta afreksfólks úr íþróttafélögunum í Reykjavík til þess að það megi bæta árangur sinn enn frekar.

Greinargerð:

Stjórn ÍBR hefur unnið að undirbúningi verkefnis sem fengið hefur vinnuheimilið „Team Reykjavík“. Hugmyndin er að velja besta afreksfólk úr ýmsum greinum, hópíþróttum og einstaklingsíþróttum, í sérstakan hóp.

Lögð verður áhersla á stuðning við íþróttafólkið í formi þjálfunar, fræðslu, aðstöðu og þjónustu s.s. varðandi sálfræði, endurhæfingu, mælingar o.fl. til þess að bæta árangur sinn enn frekar.

Þingskjal 12
Allsherjarnefnd

Samþykkt um stefnumótunarvinnu
Flutningsaðili: Framkvæmdastjórn ÍBR.

44. þing ÍBR, haldið 26.-28. febrúar 2009, samþykkir að ÍBR setji í gang stefnumótunarvinnu og framtíðarsýn til næstu 10 ára fyrir íþróttahreyfinguna í Reykjavík.

Greinargerð:

Stjórn ÍBR leggur til að farið verði í allsherjar stefnumótun fyrir íþróttahreyfinguna í Reykjavík til ársins 2020 og verði hún lögð fram til kynningar á formannafundi árið 2010.

Pingskjal 13

Allsherjarnefnd

**Stefna og starfsáætlun stjórnar ÍBR
fyrir starfsárin 2009 og 2010.
Flutningsaðili: Framkvæmdastjórn ÍBR**

44. þing ÍBR, haldið 26.-28. febrúar 2009, samþykkir eftirfarandi stefnu og starfsáætlun framkvæmdastjórnar ÍBR fyrir starfsárin 2009 og 2010:

Stefnt er að því að ÍBR leitist áfram við að vera félögunum til stuðnings í þeim málum sem helst er þörf. Þá er jafnframt mikilvægt að vinna áfram að því að fá frekari styrki frá borginni til að gera félögunum auðveldara að reka starfsemi sína. Þessu til stuðnings verði eins og undanfarin ár gerðar ýmsar kannanir sem styðja við þessa vinnu s.s. á íþróttaiðkun, styrkjum til íþróttastarfs, kostnaði við rekstur starfsins, æfingajöldum o.fl.

Stefnt er að því að ÍBR vinni áfram að því að koma á fót átaksverkefnum vegna ýmissa útbreiðsluverkefna fyrir íþróttir almennt sem og sérgreinar. Vert er að minna félögin á Verkefnasjóð ÍBR og möguleika þeirra til að fá styrki þar til útbreiðsluverkefna. Stefnt er að því að halda áfram vinnu að eflingu sjóðsins. Þá er stefnt að því að auka enn frekar fræðslu til þeirra sem starfa í íþróttafélögunum með námskeiðahaldi og fyrirlestrum. Stjórn ÍBR hyggst í samráði við félögin vinna að stefnumótun um íþróttir barna og unglunga til þess að efla enn frekar þá umgjörð sem er um þennan mikilvæga þátt í íþróttastarfinu.

Á starfstímabilinu verður unnið að frekari útfærslu á stefnu ÍBR um afreksíþróttir s.s. að auðvelda ungu afreksfólki að stunda nám samhliða æfingum og keppni, skapa aðstöðu til mælinga og eftirlits með afreksfólki og að skapa umgjörð fyrir fremstu íþróttamenn borgarinnar til að bæta árangur sinn enn frekar. Áfram verður unnið að þátttöku reykvískra unglunga í Alþjóðaleikum ungmenna og Norðurlandamóti skóla og stuðningi við þá íþróttamenn sem eiga góða möguleika á að keppa á Ólympíuleikum.

Stefnt er að því að ÍBR sinni áfram almenningsíþróttum borgaranna með útleigu íþróttatíma í skólahúsum og með þátttöku í ýmsum verkefnum sem ætlað er að efla þátttöku almennings í íþróttum. ÍBR mun sjá um framkvæmd Reykjavíkumaraþons og koma að framkvæmd Reykjavík International Games með íþróttafélögunum.

Stefnt er að því að marka stefnu í umhverfismálum íþróttahreyfingarinnar í Reykjavík. Þar komi fram hvernig íþróttafélögin vilja hirða um sitt nánasta umhverfi, halda því hreinu, viðhalda mannvirkjum og koma í veg fyrir mengun.

Stefnt er að því að efla jákvæða ímynd íþróttafélaga sem öflugs forvarnaraðila með sínu vel skipulagða íþrótt-, félags- og æskulýðsstarfi. Þá er einnig rétt að varpa ljósi á hve mikið sjálboðastarf er unnið í röðum íþróttafélaga og að félögin geri könnun á því í samstarfi við ÍBR. Stefnt er að því að sem flest íþróttafélög í Reykjavík verði fyrirmyndarfélög ÍSÍ.

Stefnt er að því að efla jákvæða ímynd ÍBR sem hagsmunasamtaka íþróttafélaganna í Reykjavík og fagaðila í íþróttamálum almennt. Mikilvægt er að koma á framfæri við borgaryfirvöld að ÍBR sé aðili sem hægt er að treysta til að vera ráðgefandi aðili um íþróttamál í borginni á faglegan og skynsamlegan hátt. Jafnframt er mikilvægt að á hverjum tíma sé haldið virku sambandi milli félaganna og stjórnar og starfsfólks ÍBR þannig að starf bandalagsins endurspegli á hverjum tíma helstu þarfir félaganna og óskir um aðkomu ÍBR að tilteknum málum.

ÍBR hefur unnið að stefnumótun og framtíðarsýn fyrir íþróttastarf í Reykjavík í samstarfi við aðildarfélögin og ÍTR. Afrakstur þess er m.a. stefna í íþróttamálum til ársins 2010 sem fyrst kom út árið 2000 og var síðan endurskoðuð árið 2004. Unnið verður að nýrri stefnumótun fyrir íþróttahreyfinguna í Reykjavík á starfstímabilinu.

Þingskjal 14

Þingnefnd: Allsherjarmálefnd.

Ályktun um framboð á hollum matvörum í íþróttamannvirkjum

Flutningsaðili: Framkvæmdastjórn ÍBR.

44. þing ÍBR, haldið 26.-28. febrúar 2009, fagnar fram komnum leiðbeiningum Lýðheilsustöðvar um framboð á hollum matvörum í íþróttamannvirkjum og hvetur sambandsaðila til að vinna eftir þeim.

Greinargerð:

Vitað er að holl næring skiptir miklu máli fyrir vellíðan og árangur barna og ungmenna í leik og starfi. Komið hefur fram í rannsóknum að íslensk börn og ungmenni borða lítið af ávöxtum og grænmeti, drekka of mikið af sykrudum gos- og svaladrykkjum og borða of mikið af sykrudum matvörum. Slíkar sykraðar vörur koma þá oft í staðinn fyrir hollari vörur, t.d. grænmeti, ávexti og gróft brauð. Verði sykur of fyrirferðamikill í fæði barna getur það leitt til þess að þau fá ekki mikilvæg næringarefni úr fæðunni.

Framboð og framsetning á mat og drykk getur haft úrslitaáhrif á hvaða matvara verður fyrir valinu hverju sinni. Til þess að bæta mataræði barna og ungmenna er því nauðsynlegt að margir taki höndum saman og hafa rekstraraðilar íþróttamannvirkja, forsvarsmenn, starfsmenn og þjálfarar íþróttafélaga þar mikilvægu hlutverki að gegna. Þeir geta haft áhrif til hins betra með því að setja heildræna næringarstefnu og aðgerðaráætlun með tilliti til eftirfarandi:

- huga vel að því hvaða matur er í boði í sjóppum, veitingastöðum og sjálfsölum í íþróttamannvirkjum og hvort eigi að bjóða þar til sölu sælgæti, gos og snakk.
- koma með leiðbeiningar um æskilegt mataræði á keppnisferðalögum
- bjóða upp á fræðslu um hollt mataræði.

Þingskjal 15
Þingnefnd: Allsherjarnefnd

Ályktun um skólaíþróttir

Flutningsaðili: Framkvæmdastjórn ÍBR.

44. þing ÍBR, haldið 26.-28. febrúar 2009, hvetur til aukins samstarfs íþróttafélaga og skóla.

Greinargerð:

Aukið samstarf íþróttafélaga við skóla, bæði grunnskóla og framhaldsskóla skiptir miklu máli. Mikilvægt er að auka hreyfingu barna og unglinga og það liggur fyrir að íþróttir geta gegnt þar lykilhlutverki. Einnig er eðlilegt að gera þeim sem vilja leggja meira á sig til að ná meiri árangri í íþróttum möguleika á því að æfa meira án þess að það komi niður á námi. Kannanir sýna að afreksfólk í íþróttum stendur sig vel í námi.

Þingskjal 16
Þingnefnd: Allsherjarnefnd

Áskorun til ÍSÍ um þjálfaramenntun **Flutningsaðili: Framkvæmdastjórn ÍBR.**

44. þing ÍBR, haldið 26.-28. febrúar 2009, hvetur ÍSÍ til að efla enn frekar námskeiðahald sérsambanda fyrir þjálfara og dómara.

Greinargerð:

Það er gríðarlega mikilvægt fyrir íþróttþjálfara og dómara að hafa möguleika á að ná sér í menntun við hæfi, í hvaða íþróttagrein sem þeir starfa. Slíkt hvetur til faglegri og betri vinnubragða og er íþróttahreyfingunni í heild sinni til framdráttar.

Þingskjal 17
Þingnefnd: Allsherjarnefnd

Tillaga um íþróttir barna og unglunga **Flutningsaðili: Framkvæmdastjórn ÍBR.**

44. þing ÍBR, haldið 26.-28. febrúar 2009, samþykkir að fela framkvæmdastjórn ÍBR að fara í vinnu með aðildarfélögunum að stefnumótun varðandi íþróttir barna og unglunga hjá íþróttareyfingunni í Reykjavík.

Greinargerð:

Með aukinni þátttöku barna og unglunga í íþróttum er nauðsynlegt að koma til móts við fjölbreytilegri óskir einstaklinga um umhverfi sem tekur tillit til þess að hver og einn hefur sínar væntingar og þarfir. Vissulega er ekki hægt að verða við öllum óskum en það hlýtur að vera hægt að skapa þannig umgjörð um starfið að sem flestir finni sig í þeirri grein sem þeir vilja helst taka þátt í. Það gerir það að verkum að brottfall minnkar og fleiri skila sér upp úr unglingastarfinu til afreka á ýmsum sviðum, hvort sem það er á leikvöllinum eða utan hans.

Þingskjal 18
Þingnefnd: Laganefnd

Tillaga um breytingu á lögum ÍBR

Flutningsaðili: Framkvæmdastjórn ÍBR

44. þing ÍBR, haldið 26.-28. febrúar 2009, samþykkir að færa lög ÍBR aftur til þess horfs er var fyrir þing bandalagsins 2004 hvað varðar breytingu á nafni bandalagsins, þ.e. taka út Héraðssambandið Íþróttabandalag Reykjavíkur og setja í staðinn Íþróttabandalag Reykjavíkur.

Greinargerð:

Þessi breyting á lögum ÍBR var gerð til að koma til móts við óskir UMFÍ um breytingar á lögum. Nú hefur UMFÍ hafnað aðild ÍBR að UMFÍ. Vandséð er einnig af hverju ÍBR þurfi að heita „Héraðssamband“ þegar það er samkvæmt skilgreiningu laga ÍSÍ sá aðili sem fer með stjórn íþróttamála í íþróttahéraðinu Reykjavík, en landinu skal skipt í íþróttahéruð samkvæmt íþróttalögum. Samkvæmt skilgreiningu íþróttahreyfingarinnar er ÍBR því héraðssamband fyrir íþróttahéraðið Reykjavík.

Þingskjal 19
Þingnefnd: Laganefnd

Tillaga um breytingu á lögum ÍBR hvað varðar kosningar til ársþings ÍBR

Flutningsaðili: Framkvæmdastjórn ÍBR

44. þing ÍBR, haldið 26.-28. febrúar 2009, samþykkir eftirfarandi breytingar á lögum ÍBR sem varða kjör í stjórn bandalagsins:

Lagt er til að við núverandi texta í 8. grein bætist við eftirfarandi texti:

Á ársþingi skal kjósa 3 manna kjörnefnd og einn til vara, sem starfar til loka næsta þings. Tilkynningar um framboð skulu berast kjörnefnd eigi síðar en 3 vikum fyrir þing. Hafi ekki nægilegur fjöldi gefið kost á sér á þeim tíma, er kjörnefnd heimilt að framlengja framboðsfrestinn enda sé það tryggilega tilkynnt sambandsaðilum. Hafi, þrátt fyrir það, eigi borist næg framboð skal kjörnefnd hlutast til um að afla nauðsynlegs fjölda framboða. Kjörnefnd er eftirlitsaðili með kosningum.

Lagt er til að við 11. grein laga ÍBR um dagskrá þings ÍBR verði bætt við texta um kosningu kjörnefndar:

11. f) Kosin 3 manna kjörnefnd og einn til vara sbr. 8. grein.

Sá dagskrárliður sem áður var merktur 11. f) verður þá 11. g).

Greinargerð:

Þessi tillaga breytingu á lögum ÍBR er í takt við lög ÍSÍ og fleiri aðila. Það er óþægileg staða fyrir þing að ekki sé ljóst hvort framboð séu til formanns eða stjórnar. Með þessu móti getur kjörnefnd haft mun meiri tíma til þess að bregðast við aðstæðum.

Þingskjal 20
Þingnefnd: Laganefnd

Tillaga um breytingu á lögum ÍBR hvað varðar boðun þings og sendingar gagna Flutningsaðili: Framkvæmdastjórn ÍBR

44. þing ÍBR, haldið 26.-28. febrúar 2009, samþykkir breytingar á lögum ÍBR sem varða boðun til ársþings ÍBR og sendingar gagna vegna þingsins.

Lagt að við texti í 8. grein breytist á eftirfarandi hátt:

Þing ÍBR skal háð annað hvert ár á tímabilinu 1. febrúar til 1. júlí. Til þingsins skal boða með ~~mánaðar~~ 2ja mánaða fyrirvara þá, sem rétt eiga á þingsetu, sbr. 10. gr. Þá skal og senda sambandsaðilum upplýsingar um fjölda fulltrúa þeirra á þinginu auk kjörbréfs. Þau mál, sem aðilar ÍBR óska að verði á dagskrá, skulu berast stjórn héraðssambandsins í síðasta lagi ~~tvíum~~ fjórum vikum fyrir þingsetningu.

Allir fulltrúar skulu vera tilgreindir á kjörbréfi frá viðkomandi sambandsaðila og skal kjörbréfum skilað inn til framkvæmdastjórnar eigi síðar en 2 vikum fyrir þing.

Eigi síðar en ~~viku~~ 2 vikum fyrir þingbyrjun skal aðilum send dagskrá þingsins, ~~og~~ ársskýrsla, endurskoðaðir ársreikningar og kjörbréfaeyðublað. Eigi síðar en viku fyrir þing skulu aðilum sendir endurskoðaðir ársreikningar. ~~Ennfremur þær tillögur, er ákveðið hefur verið að leggja fyrir þingið.~~

Þing ÍBR er lögþætt, ef löglega hefur verið til þess boðað.

Greinargerð:

Þær breytingar sem hér eru lagðar til eru í samræmi við lög annarra sambanda s.s. ÍSÍ og KSÍ. Núgildandi lög eru í samræmi við þröngasta ramma er lög ÍSÍ segja til um. Það er eðlilegt að hafa meiri fyrirvara á boðun þings en gert er ráð fyrir í núgildandi lögum. Skipulagslega séð er betra að hafa meiri tíma til að undirbúa tillögur og gögn tengd þeim áður en þau eru send til aðila. Félögin hafa með þessari tillögu meiri tíma til að kynna sér málefni er liggja fyrir þingi. Þá er í þessari tillögu gert ráð fyrir að kjörbréf berist mun fyrr sem gerir sérstaklega undirbúning varðandi nefndarstörf á þinginu mun auðveldari.

Þingskjal 21
Þingnefnd: Laganefnd

Samþykkt um nýtt merki ÍBR

Flutningsaðili: Framkvæmdastjórn ÍBR.

44. þing ÍBR, haldið 26.-28. febrúar 2009, samþykkir að tekið verði upp nýtt merki fyrir ÍBR.

Greinargerð:

Hugmyndir um að endurnýja merki ÍBR komu fram snemma á þessari öld. Ákveðnir annmarkar eru við notkun merkisins í sambandi við vefnotkun og prentun þar sem merkið er ekki hannað með nafni bandalagsins og fáir þekkja fyrir hvað það stendur án texta. Merkið hefur einnig stundum valdið misskilningi þegar hópar á vegum ÍBR hafa farið erlendis til þátttöku í íþróttamótum.

Nýja merkið er byggt á grunni þess gamla þ.e. með Ingólf Arnarsson í forgrunni. Grunnur merkisins er tvískiptur með bláum og rauðum lit en á miðju hans er Ingólfur í hvítum lit.

Þingskjal 22
Þingnefnd: Laganefnd

Tillaga um brottvikningu félaga úr ÍBR
Flutningsaðili: Framkvæmdastjórn ÍBR.

44. þing ÍBR, haldið 26.-28. febrúar 2009, samþykkir að víkja Knattspyrnufélaginu Núma, Íþróttafélaginu Tunglinu, Knattspyrnufélaginu Deiglunni og Ungmennafélaginu Víkverja úr bandalaginu.

Greinargerð:

Samkvæmt lögum ÍBR, 6. grein, getur þing ÍBR tekið ákvörðun um að víkja félögum úr bandalaginu geri þau ekki skil á skýrslum, ársreikningum og gjöldum eða hafi ekki haldið aðalfund.

Þingskjal 23
Laganefnd

Tillaga um umsókn um aðild að UMFÍ
Flutningsaðili: Sigfús Ægir Árnason

**44. þing ÍBR, haldið 26.-28. febrúar 2009, samþykkir að endurnýja
umsókn sína um aðild að Ungmennafélagi Íslands**